

**PEMBERITAHUAN PERTANYAAN**

**DEWAN RAKYAT, MALAYSIA**

**PERTANYAAN : LISAN**

**DARIPADA : DATO' HASAN BIN ARIFIN [ ROMPIN ]**

**TARIKH : 26.05.2016 (KHAMIS)**

**Dato' Hasan bin Arifin [ Rompin ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan langkah awal yang diambil oleh pihak Kementerian bagi memastikan tidak wujud manipulasi harga barang hingga mengakibatkan ianya naik memandangkan umat islam akan menyambut bulan Ramadhan dan Syawal tidak lama lagi.

**JAWAPAN:**

**Tuan Yang Di-Pertua,**

Kementerian Perdagangan Dalam Negeri, Koperasi dan Kepenggunaan (KPDNKK) sedang dan akan mengambil beberapa tindakan seperti berikut sebagai persiapan menghadapi bulan Ramadhan dan Syawal tidak lama lagi:

- i) **Melaksanakan Skim Kawalan Harga Musim Perayaan Hari Raya Puasa.**  
Kementerian ini akan melaksanakan Skim Kawalan Harga Musim Perayaan Hari Raya Puasa semasa bulan Ramadhan dan Syawal agar rakyat yang akan meraikan perayaan ini dapat membuat perbelanjaan serta membeli barangan keperluan pada harga yang munasabah. Pengumuman berkenaan pelaksanaan Skim Kawalan Harga Musim Perayaan ini akan dibuat dalam bulan Ramadhan kelak;

- ii) **Melaksanakan pemeriksaan proaktif bagi mengesan trend pergerakan harga sebelum apa-apa musim perayaan.** Seramai 2,669 Pegawai Penguat kuasa Kementerian Perdagangan Dalam Negeri, Koperasi dan Kepenggunaan sedang dan akan berada di lokasi-lokasi yang menjadi tumpuan orang ramai membeli-belah untuk menjalankan pemeriksaan dan pemantauan. Pemeriksaan ini bertujuan untuk mencegah kenaikan harga secara drastik dan bagi memastikan peniaga tidak mengambil kesempatan memanipulasi harga menjelang bulan Ramadhan dan Syawal kelak; dan
- iii) **Memastikan bekalan yang stabil dan mencukupi.** Kementerian ini akan mengadakan perbincangan dengan agensi-agensi Kerajaan, khususnya yang mengawal selia bekalan barang-barang keperluan utama bagi menjamin bekalan barangan keperluan musim perayaan akan sentiasa mencukupi. Bekalan barang-barang keperluan yang mencukupi akan menjamin harga barangan kekal pada kadar yang berpatutan serta mengekang manipulasi harga semasa musim perayaan.

Kesemua langkah-langkah awal ini diharap akan dapat menstabilkan harga serta mencegah manipulasi harga barang oleh peniaga menjelang musim perayaan kelak.